

Sakspapir

Saksnr	Utvalg	Type	Dato
015/21	Kommunestyret	PS	18.02.2021

Saksbehandler	Arkiv	ArkivsakID
Bjørnar Fjellhaug	FE-033, FA-L99	21/80

Oppnemning av mellombels utval for vurdering av Rongevær kurs- og fritidssenter

Framlegg til vedtak:

Kommunestyret i Austrheim opprettar eit mellombels utval for å vurdere driftsform og bruk av Rongevær kurs- og fritidssenter.

Utvalet skal kome attende til kommunestyret med framlegg til framtidig bruk eller driftsform av Rongevær kurs- og fritidssenteret. Det må gjerast greie for både økonomiske og samfunnsmessige konsekvensar av framlegget. Saka skal leggjast fram for kommunestyret seinast i møte 17. juni 2021.

Administrasjonen kan bistå utvalet i utgreiingsarbeidet.

Utvalet er samansett slik:

Frå politisk nivå: *(inga innstilling)*

Leiar av utvalet: *(inga innstilling)*

Nestleiar av utvalet: *(inga innstilling)*

Austrheim kommunestyre ber rådmannen utarbeida avtale med aktuell leigetakar, og koma tilbake med sak til politisk handsaming.

Kommunestyret - 015/21 - 18.02.2021

KS - behandling:

Kommunalsjef Thomas Lindås orienterte om arbeidet med å finna fram til eit mellombels utval for vurdering av Rongevær kurs- og fritidssenter. I kontakten som har vore med Bergen Turlag, som er aktuell som leigar, har kommunen gitt tilbakemelding om at det må vera mogleg å reservera for bruk av skulane, og at det må vera ein langsiktig leigeavtale. Dette var turlaget opne for.

Helge Dyrkolbotn (KrF) kom med framlegg om at administrasjonen gjer jobben med å finna dette utvalet, og kjem tilbake til formannskapet for vedtaket.

Dyrkolbotn la til at turlaget er ein stor aktør som er god på å driva hytter, både i fjellet og andre stader, og sa at administrasjonen må få i oppdrag å gjera dette så snart som mogleg.

Reidar Øksnes (Sp) støtta framlegget til Helge Dyrkolbotn (KrF), men ba om ei klar utgreiing av kva behov kommunen ser seg tent med. Kanskje ta opp att tidlegare tilbod om undervisning, som ein har hatt før, skular og ungdom kan ha god nytte av tilbodet.

Rådmann Bjørnar Fjellhaug sa at når det er spurt etter eit mellombels utval, så skal det etter kommunelova vera politisk oppnemnt. Men kan gjerne be administrasjonen gjera dette utgreiingsarbeidet og få fram sak til vedtak.

Kommunalsjef Thomas Lindås sa at et tidlegare var det tenkt å vega eiga drift opp mot utleige, og spurte om det er ønskjeleg med ei slik breiare utgreiing. Ordførar Per Lerøy (Ap) svara at ein ønskjer å prøva å få ein avtale med Bergen Turlag, men samstundes sikra skulane og Røde Kors som brukar anlegget i dag.

Helge Dyrkolbotn (KrF) sa at det har vore diskutert alternative driftsformer på Rongevær tidlegare utan å komma i mål. Turlaget satsar på kysthytter, det er ein god aktør, men må sjekka jussen i dette, og leggja inn formalitetar slik at skular og andre lokale kan halda fram med bruken.

Bjørn Inge Håland Dyrkolbotn (Sp) sa at kommunen har vore ein dårleg eigar i Rongevær, den største perla står no til forfall. Om turlaget tilbyr seg å driva bør me gå for dette.

Handsaming i kommunestyret:

Sams for framlegget frå Helge Dyrkolbotn (KrF).

KS - vedtak:

Austrheim kommunestyre ber rådmannen utarbeida avtale med aktuell leigetakar, og koma tilbake med sak til politisk handsaming.

Saksopplysninger:

Bakgrunn

Det er i Austrheim kommune gjort ei strategisk kartlegging av kommunale bygg og eigedommar

gjennom prosjektrapport for strategisk eigedomsforvaltning. Prosjektrapporten peiker på at det er fleire kommunale eigedommar som kan vere aktuelle å vurdere for sal.

Saka var oppe i formannskapet 28.01.2021. Der vart det avgjort at ein skulle prioritere Rongevær kurs- og fritidssenter. Det vart orientert om interessentar som er aktuell for å overta og drifte Rongevær frametter og det trengs difor ei rask avklaring om dette er aktuelt.

For å vurdere aktuelle aktørar eller interessentar, vert det sett ned eit hurtigarbeidande mellombels utval.

Med bakgrunn i dette vert det lagt fram sak om oppnemning av slikt utval.

Etter kommunelova §5-1 vert eit mellombels utval definert som eit folkevald organ, jmf. bokstav d og e. I § 5-7 «Kommunestyret og fylkestinget kan selv opprette uvalg for kommunale formål og for deler av den kommunale eller fylkeskommunale virksomheten. (.....) Utvalg etter denne paragrafen skal ha minst tre medlemmer».

Utvalet må leggja fram innstilling til kommunestyret innan 17. juni 2021.

Samansetning av utvalet

Kommunelova § 7-2 omhandlar kven som er valbar og plikta til å ta imot val. Det er personar som er innført i folkeregisteret og som er busatt i kommunen på tidspunktet for det aktuelle valet, som er valbar og han eller ho skal skriftleg ha samtykka til å stille til val.

Tilsette i administrasjonen kan ikkje veljast i kraft av tilsetjingstilhøve, men dersom ein tilsett i kommunen er busett og folkeregistrert i kommunen, kan vedkomande veljast som privatperson.

Som nemnd, må utvalet vere sett saman av minst 3 personar.

Valnemnda får i oppdrag å utpeike medlemmar til utvalet.

Konklusjon

Kommunestyret i Austrheim opprettar eit mellombels utval for å vurdere driftsform og bruk av Rongevær kurs- og fritidssenter.

Utvalet skal kome attende til kommunestyret med framlegg til framtidig bruk eller driftsform av Rongevær kurs- og fritidssenteret. Det må gjerast greie for både økonomiske og samfunnsmessige konsekvensar av framlegget. Saka skal leggjast fram for kommunestyret seinast i møte 17. juni 2021.

Administrasjonen kan bistå utvalet i utgreiingsarbeidet.

Utvalet er samansett slik:

Frå politisk nivå: *(inga innstilling)*

Leiar av utvalet: *(inga innstilling)*

Nestleiar av utvalet: *(inga innstilling)*